

U G O V O R

o nabavci, isporuci i montaži arhivskih fiksnih regala

Zaključen između

JU HISTORIJSKI ARHIV SARAJEVO, Alipašina 19, Sarajevo, kojeg zastupa Mr.sci. Fuad Ohranović, direktor (u daljem tekstu, kupac)

i

KABAS d.o.o., Šehercéhajina čikma 3, Sarajevo, kojeg zastupa Hatidža Tokić, direktor (u daljem tekstu prodavac)

Član 1.

Predmet Ugovora je nabavka, isporuka i montaža arhivskih fiksnih regala za potrebe JU Historijski arhiv Sarajevo, prema specifikaciji iz tenderske dokumentacije u postupku javne nabavke u 2017. godini postupkom direktnog sporazuma, koja je sastavni dio ovog ugovora.

Prodavac je dostavio ponudu, broj 12-0124/17 od 25.12.2017. godine koja odgovara uslovima iz tenderske dokumentacije na osnovu čega je prodavac izabran da izvrši nabavku robe koja je predmet ovog ugovora.

Ponuda prodavca je sastavni dio ovog ugovora.

Član 2.

Ugovorena cijena iz člana 1. ovog ugovora je 3.233,90 KM sa uračunatim PDV-om.

Član 3.

Ugovorne strane su saglasne da je prodavac izvršio svoju obavezu kada preda kupcu robu koja je predmet ovog ugovora u skladu sa članom 2. ovog ugovora.

Član 4.

Nakon prijema robe kupac će izvršiti isplatu ugovorene cijene u roku od 30 dana na transakcijski račun prodavca broj 338-90022072464-56 koji je otvoren kod UniCredit banke u Sarajevu.

Član 5.

Prodavac će robu isporučiti u sjedištu kupca u roku od 15 dana od zaključenja ovog ugovora. Ugovorne strane su saglasne da se prijem robe izvrši zapisnički putem Komisije koju sačinjavaju predstavnici svake ugovorne strane.

Član 6.

Zapisnik iz člana 5. ovog ugovora je osnov za plaćanje ugovorene cijene.

Član 7.

Ukoliko se nakon prijema robe od strane kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, kupac je dužan o tom nedostatku bez odlaganja obavijestiti prodavca.

Ako kupac ne obavijesti prodavca o skrivenom nedostatku u roku od 30 dana od dana kada je uočio nedostatak nema pravo na reklamaciju.

Član 8.

Ukoliko se od strane zajedničke Komisije utvrdi da roba koju je prodavac isporučio ima nedostatke u kvalitetu ili očigledne greške, ugovorne strane su saglasne da ih prodavac otkloni u roku od 30 dana od dana sačinjavanja zapisnika o reklamaciji, a ako to ne učini u ugovornom roku, prodavac je dužan robu koja se reklamira zamjeniti novom robom koja ima jednake ili iste karakteristike.

Član 9.

Prodavac se obavezuje da osigura servisiranje robe koja je predmet ovog ugovora u garantnom roku.

Član 10.

Za sve odnose i institute koji nisu utvrđeni ovim ugovorom, a proisteknu prilikom njegove primjene, koristiće se odgovarajuće odredbe Zakona o obligacionim odnosima.

Član 11.

Eventualne sporove ugovorne strane će rješavati sporazumno, a ako se ne dogovore ugovaraju nadležnost suda u Sarajevu.

Član 12.

Ovaj ugovor sačinjen je u četiri istovjetna primjerka od kojih svaka od ugovornih strana zadržava po dva primjerka.

PRODAVAC:
DIREKTOR
Hatidža Tokić
Hatidža Tokić
BR.: 12-0123/17
Sarajevo, 27.12.2017.



KUPAC:
DIREKTOR
Fuad Obranović
Mr.sc. Fuad Obranović
Broj: 02-2876-5/17
Sarajevo, 26.12.2017.godine

